

**SKIM PERKHIDMATAN  
PENSYARAH PERGIGIAN**

**KLASIFIKASI** : PERKHIDMATAN PENDIDIKAN  
**KUMPULAN PERKHIDMATAN** : PENGURUSAN DAN PROFESIONAL  
**TARIKH KUAT KUASA** : 1 JANUARI 2013

<b>Gred</b>	<b>:</b>	<b>Peringkat</b>	<b>Gaji Minimum</b>	<b>Gaji Maksimum</b>
<b>Gred DUG51P</b>	:	P1	RM3,887.64	- RM6,917.62
		P2	RM4,131.36	- RM7,227.39
		P3	RM4,384.51	- RM7,546.59
<b>Gred DUG51</b>	:	P1	RM5,641.31	- RM7,571.29
		P2	RM5,903.90	- RM7,899.93
		P3	RM6,175.92	- RM8,238.00
<b>Gred DUG53</b>	:	P1	RM5,941.64	- RM8,077.78
		P2	RM6,212.10	- RM8,425.28
		P3	RM6,493.56	- RM8,783.78
<b>Gred DUG54</b>	:	P1	RM5,941.64	- RM8,077.78
		P2	RM6,493.56	- RM8,783.78
<b>Gred Khas C</b>	:		RM7,189.63	- RM11,264.26
<b>Gred Khas B</b>	:		RM7,788.05	- RM12,201.84
<b>Gred Khas A</b>	:		RM8,465.66	- RM13,265.06
<b>Gred Khas Turus III</b>	:		RM 9,315.17	- RM14,607.70
<b>Gred Khas Turus II</b>	:		RM10,242.34	- RM16,061.66
<b>Gred Khas Turus I</b>	:		RM11,021.00	- RM17,122.66

**SYARAT LANTIKAN**

1. Calon bagi lantikan hendaklah memiliki kelayakan seperti berikut:-
  - (a) warganegara Malaysia;
  - (b) berumur tidak kurang dari 18 tahun pada tarikh tutup iklan jawatan;

**Kelayakan Untuk Lantikan Ke Pensyarah Pergigian Pelatih Gred DUG51P**

- (c) (i) ijazah sarjana muda dalam bidang pergigian yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG51P: P1 RM3,887.64);

- dan (ii) memiliki tempoh pengalaman bekerja yang bersesuaian sekurang-kurangnya dua (2) tahun dalam bidang berkaitan.

**Kelayakan Untuk Lantikan Ke Pensyarah Pergigian Gred DUG51**

- (d) (i) ijazah sarjana muda dalam bidang pergigian dan ijazah sarjana dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG51: P1 RM5,641.31); atau

- (ii) ijazah sarjana muda dalam bidang pergigian dan kelayakan kepakaran dalam bidang pergigian yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG51: P1 RM5,875.59); atau

- (iii) ijazah sarjana muda dalam bidang pergigian dan ijazah doktor falsafah (PhD) dalam bidang berkenaan yang diiktiraf oleh kerajaan daripada institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG51: P1 RM5,875.59)

- dan (iv) memiliki tempoh pengalaman bekerja yang bersesuaian sekurang-kurangnya lima (5) tahun dalam bidang berkaitan.

### **Kelayakan Untuk Lantikan Ke Gred DUG53 (Profesor Madya)**

- (e) (i) ijazah sarjana muda dalam bidang pergigian dan ijazah sarjana dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG53: P1 RM5,941.64); atau

- (ii) ijazah sarjana muda dalam bidang pergigian dan kelayakan kepakaran dalam bidang pergigian yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG53: P1 RM5,941.64); atau

- (iii) ijazah sarjana muda dalam bidang pergigian dan ijazah doktor falsafah (PhD) dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred DUG53: P1 RM5,941.64)

- (iv) memiliki tempoh pengalaman bekerja yang bersesuaian sekurang-kurangnya lima (5) tahun dalam bidang berkaitan;

- (v) membuktikan tahap kecemerlangan akademik atau perubatan yang sangat istimewa mutunya;

- dan (vi) mempunyai pengalaman berkaitan yang luas dalam bidang-bidang berkenaan selain daripada pengalaman yang ditetapkan dalam 1(e)(iv).

### **Kelayakan Untuk Lantikan Ke Gred Khas C (Profesor)**

- (f) (i) ijazah sarjana muda dalam bidang pergigian dan ijazah sarjana dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred Khas C: RM7,189.63); atau

- (ii) ijazah sarjana muda dalam bidang pergigian dan kelayakan kepakaran dalam bidang pergigian yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred Khas C: RM7,189.63); atau

- (iii) ijazah sarjana muda dalam bidang pergigian dan ijazah doktor falsafah (PhD) dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar dengan Majlis Pergigian Malaysia.

(Gaji permulaan ialah pada Gred Khas C: RM7,189.63)

- (iv) memiliki tempoh pengalaman bekerja yang bersesuaian sekurang-kurangnya lima (5) tahun dalam bidang berkaitan;

- (v) membuktikan tahap kecemerlangan akademik yang terkemuka mutunya;

dan (vi) mempunyai pengalaman berkaitan yang luas dalam bidang-bidang berkenaan selain daripada pengalaman yang ditetapkan dalam 1(f)(iv).

**SYARAT KELAYAKAN  
BAHASA MELAYU**

- 2. Calon bagi lantikan hendaklah memiliki Kepujian dalam subjek Bahasa Melayu pada peringkat Sijil Pelajaran Malaysia atau kelulusan yang diiktiraf setaraf dengannya oleh kerajaan.

**PENETAPAN GAJI  
PERMULAAN**

- 3. Gaji permulaan yang lebih tinggi atas P1 Gred DUG51P, DUG51, DUG53 atau Gred Khas C boleh ditetapkan oleh Pihak Berkuasa Melantik berkenaan berasaskan kepada pengalaman kerja atau kepakaran berkaitan selain daripada pengalaman yang ditetapkan dalam 1(e)(iv) dan 1(f)(iv).

**TEMPOH PERCUBAAN**

- 4. Pensyarah Pergigian yang dilantik adalah dikehendaki berkhidmat dalam tempoh percubaan selama 1 hingga 3 tahun.

**LATIHAN**

- 5. Pensyarah Pergigian boleh dikehendaki mengikuti latihan yang ditetapkan oleh Ketua Jabatan/Ketua Perkhidmatan yang berkenaan.

**KURSUS INDUKSI/  
PEPERIKSAAN**

- 6. Pensyarah Pergigian dalam percubaan adalah dikehendaki hadir dengan jayanya kursus induksi atau kursus-kursus lain yang ditetapkan oleh Ketua Jabatan/Ketua Perkhidmatan yang berkenaan.

**PENGESAHAN DALAM  
PERKHIDMATAN**

- 7. Pensyarah Pergigian Pelatih yang dilantik adalah layak disahkan dalam perkhidmatan apabila telah:-

- (a) memenuhi tempoh percubaan;
- (b) memiliki kelayakan kepakaran atau ijazah sarjana dalam bidang berkenaan yang disyaratkan;
- (c) telah berkhidmat sekurang-kurangnya tiga (3) tahun sebagai Pensyarah Pergigian Pelatih;
- (d) hadir dengan jayanya kursus induksi atau kursus-kursus lain yang ditetapkan; dan
- (e) diperakukan oleh Ketua Jabatan/Ketua Perkhidmatan.

8. Pensyarah Pergigian yang dilantik adalah layak disahkan dalam perkhidmatan apabila telah:-

- (a) memenuhi tempoh percubaan;
- (b) hadir dengan jayanya kursus induksi atau kursus-kursus lain yang ditetapkan; dan
- (c) diperakukan oleh Ketua Jabatan/Ketua Perkhidmatan.

**PELARASAN DARI GRED DUG51P KE GRED DUG51**

9. Pensyarah Pergigian Pelatih Gred DUG51P akan diselaraskan ke Pensyarah Pergigian Gred DUG51 sehari selepas disahkan dalam perkhidmatan atas Gred DUG51P.

**PERGERAKAN GAJI TAHUNAN**

10. Pergerakan gaji tahunan adalah tidak automatik dan akan ditetapkan oleh Ketua Jabatan/Ketua Perkhidmatan berdasarkan prestasi perkhidmatan.

**KEPERLUAN KOMPETENSI DAN POTENSI**

11. Pegawai hendaklah memenuhi kompetensi dan potensi yang ditetapkan untuk kenaikan pangkat

**KENAIKAN PANGKAT KE GRED DUG54 (PROFESOR MADYA)**

12. Pensyarah Pergigian Gred DUG51 adalah layak dipertimbangkan bagi kenaikan pangkat ke jawatan Pensyarah Pergigian Gred DUG54 apabila telah:-

- (a) disahkan dalam perkhidmatan;
- (b) mencapai tahap kecemerlangan akademik yang sangat istimewa mutunya dan syarat-syarat lain yang munasabah yang ditetapkan oleh Lembaga Pengarah Universiti;
- (c) memenuhi kompetensi dan potensi yang ditetapkan; dan
- (d) diperakukan oleh Ketua Jabatan/Ketua Perkhidmatan.

**KENAIKAN PANGKAT KE GRED KHAS C (PROFESOR)**

13. Pensyarah Pergigian Gred DUG53/54 adalah layak dipertimbangkan bagi kenaikan pangkat ke jawatan Pensyarah Pergigian Gred Khas C apabila telah:-

- (a) disahkan dalam perkhidmatan;
- (b) mencapai tahap kecemerlangan akademik yang terkemuka mutunya dan syarat-syarat lain yang munasabah yang ditetapkan oleh Lembaga Pengarah Universiti;

- (c) memenuhi kompetensi dan potensi yang ditetapkan; dan
- (d) diperakukan oleh Ketua Jabatan/Ketua Perkhidmatan.
- KENAIKAN PANGKAT KE GRED KHAS B (PROFESOR)**
14. Pensyarah Pergigian Gred Khas C adalah layak dipertimbangkan bagi kenaikan pangkat ke jawatan Pensyarah Pergigian Gred Khas B apabila telah:-
- (a) disahkan dalam perkhidmatan;
- (b) mencapai tahap kecemerlangan akademik yang sangat terkemuka mutunya dan syarat-syarat lain yang munasabah yang ditetapkan oleh Lembaga Pengarah Universiti; dan
- (c) memenuhi kompetensi dan potensi yang ditetapkan; dan
- KENAIKAN PANGKAT KE GRED KHAS A (PROFESOR)**
15. Pensyarah Pergigian Gred Khas B adalah layak dipertimbangkan bagi kenaikan pangkat ke jawatan Pensyarah Pergigian Gred Khas A apabila telah:-
- (a) disahkan dalam perkhidmatan;
- (b) mencapai tahap kecemerlangan akademik yang luar biasa mutunya dan syarat-syarat lain yang munasabah yang ditetapkan oleh Lembaga Pengarah Universiti; dan
- (c) memenuhi kompetensi dan potensi yang ditetapkan; dan
- KENAIKAN PANGKAT GRED DUG51 KE GRED KHAS C (PROFESOR) DALAM KEADAAN ISTIMEWA**
16. Pensyarah Pergigian Gred DUG51 yang telah disahkan dalam perkhidmatan dan memenuhi kompetensi dan potensi yang ditetapkan serta menunjukkan kecemerlangan akademik yang terkemuka mutunya adalah layak dipertimbangkan bagi kenaikan pangkat terus ke Gred Khas C.
- KENAIKAN PANGKAT GRED KHAS C KE GRED KHAS A (PROFESOR) DALAM KEADAAN ISTIMEWA**
17. Pensyarah Pergigian Gred Khas C yang telah disahkan dalam perkhidmatan dan menunjukkan kecemerlangan akademik yang luar biasa mutunya adalah layak dipertimbangkan bagi kenaikan pangkat terus ke Gred Khas A.
- KENAIKAN PANGKAT KE GRED KHAS TURUS III (PROFESOR ULUNG)**
18. Pensyarah Pergigian Gred Khas A adalah layak dipertimbangkan bagi kenaikan pangkat ke jawatan Pensyarah Pergigian Gred Khas Turus III apabila telah:-
- (a) disahkan dalam perkhidmatan;
- (b) mencapai tahap kecemerlangan keserjanaan yang terkemuka mutunya dan syarat-syarat lain yang ditetapkan oleh kerajaan; dan
- (c) diperakukan oleh Ketua Jabatan/Ketua Perkhidmatan.

**KENAIKAN PANGKAT KE  
GRED KHAS TURUS II  
(PROFESOR ULUNG)**

19. Pensyarah Pergigian Gred Khas Turus III adalah layak dipertimbangkan bagi kenaikan pangkat ke jawatan Pensyarah Pergigian Gred Khas Turus II apabila telah:-
- (a) disahkan dalam perkhidmatan;
  - (b) mencapai tahap kecemerlangan kesarjanaan yang luar biasa mutunya dan syarat-syarat lain yang ditetapkan oleh kerajaan; dan
  - (c) diperakukan oleh Ketua Jabatan/Ketua Perkhidmatan.

**KENAIKAN PANGKAT KE  
GRED KHAS TURUS I  
(PROFESOR ULUNG)**

20. Pensyarah Pergigian Gred Khas Turus II adalah layak dipertimbangkan bagi kenaikan pangkat ke jawatan Pensyarah Pergigian Gred Khas Turus I apabila telah:-
- (a) disahkan dalam perkhidmatan;
  - (b) mencapai tahap kecemerlangan kesarjanaan yang unggul mutunya dan syarat-syarat lain yang ditetapkan oleh kerajaan; dan
  - (c) diperakukan oleh Ketua Jabatan/Ketua Perkhidmatan.

**KENAIKAN PANGKAT KE  
JAWATAN KETUA EKSEKUTIF**

21. Pensyarah Pergigian Gred Khas C dan ke atas adalah layak dipertimbangkan kenaikan pangkat ke gred lebih tinggi dalam jawatan Ketua Eksekutif yang kosong apabila telah:-
- (a) disahkan dalam perkhidmatan;
  - (b) mencapai tahap kecemerlangan akademik yang luar biasa mutunya dan syarat-syarat lain yang ditetapkan oleh Lembaga Pengarah Universiti;
  - (c) telah terbukti kemampuan dari segi pengalaman dan sumbangan dalam bidang pengajian tinggi; dan
  - (d) diperakukan oleh Ketua Jabatan/Ketua Perkhidmatan.

**Nota:** Skim perkhidmatan ini membatalkan skim perkhidmatan terdahulu yang berkuat kuasa pada 1.9.2010 [Lampiran B dan B1 - Pekeliling Perkhidmatan Bilangan 15 Tahun 2010, JPA.BPO(S)324/14/9-6 Jld.10 s.k.4 (17)]